

船政新書

船政新書序

南都濱江古來為水國我

太祖之殲偽漢也溯長江大戰

鄱陽湖寔資舟楫之利當時載

軍馬為馬船載輜重為快船嗣

後

咸祖定鼎金臺仍其舊為貢舫

駕馬船之夫取諸江西湖廣二
省太平寧國安慶三府諸沿江
地方所食解給工食而來南戶
部亦給有月糧焉後即都城召
募工食月糧猶舊也管運內使
以召募去來不常猶稍寬需索
獨船牘支數及各船工食之叅

錯莫可勾稽而諸曹與皂每私
相窺穴其間與積猾黃緣為奸
弊多不可究詰此公家所稱無
經之費乃諸役之患若則惟廩
饋之不時與勞逸之無序而已
快船支

國初取諸京軍無所資給而應

後後來正軍不足則濫及於軍
餘軍餘又不足則掣及於操軍
船支有正甲有幫甲有送船餘
丁甚則一名有數名朋槩者每
船每年計用軍二十五名五百
船總計十年共用軍十二萬五
千名而朋名不與奸豪積櫓之

規免管運內使之誅求至於本部錢糧歲糜殆且不貲臨差各甲多逖避不能以時召集也於是操軍亦多掣取戎伍挖致空虛而公私之困憊日愈甚先是出軍婦求鬻以輸差者有乞判懸於門捐宅舍以求代差者

自縊者投河而死者徃々有其人
快船甲役從是多不樂有生矣
予佐南銓時自公退食則百餘
人持牒跼而泣請曰願公活我予
惟此兵曹事也時大司馬莆陽
郭公方杜門欲請告去署兵篆
者太倉顧公也予因從吏顧公

乘旱霾應

詔疏陳其弊害願公謀可以辦
此者於予予舉駕部上虞倪君
陳倪君有八面之才又最能任
大事予蓋嘗稔知君君則不知
予之能知君而薦君也疏上得
報可郭公且去居頃之願公亦

捐館舍矣乃委任責成倪君者衡
水傅公也君於是盡心力而為舉
馬快船九百四十隻而稍々更張
焉減快船五之三然以通增馬船
差與快船等而用更有餘增船差
三之一然以通增各工食而人更
樂於為用工食雖增然以調度節

省而銀更大減快船比舊雖減少
然以更飾船制略與馬船同而用
數常足各軍之蒙寬撫於人情若
易玩然以編管收解各有法而紀
律常存計丁編銀又計力派丁且
示各有別差也故爭先入冊而不
似往時之逃避召募新丁優其廩

餽且著為令令徃回分給以牽繫之也故中途無亡去之患在官之人即充役之人故無可避而陰差自易於召集所充役者即所當編銀者也故有所資藉而輸納常易完以經年遠役常慮破家亡身者易之以編銀之法而永無患害編

銀數止於萬五千金足勾各船五
萬金十萬米之費而寬然有餘船
有歸夫有數工食不致有忝錯而
可勾稽且所掣之操軍盡使之歸
伍是又於營務有裨也至於錢糧
之弊竇三爬梳剔塞幾盡矣中貴
之息然而恣肆君能曲防其橫武

矣之阻撓市棍積猾之歟美君能
坐照其奸欺往昔此輩交相比周
為甲害者今皆敢怒而不敢言即
敢言君亦一不之顧也抑乎夫於此
非所謂良工獨苦者歟繼傳公者
為涇陽李公李公自吏而兵居無
何即改北繼李公者內江陰公也陰

公既連上兩疏請蠲宿逋杜變更
以成此船政之終今又將清理黃
船之奸弊謀之署工篆少司徒新
安方公謀之給諫永年杜公又謀
之原駕部山陰馮君監工曹田閔
諸君而竟又委之倪君列為十款
以請行見南都之船政無不理舉

南都黃馬快船之軍甲多不入得
其所矣然則船政新書謂之船政
新書可也予之為船政新書序也
即謂之船政新書序亦可也

萬曆戊子春正月既望

賜進士出身資善大夫南京禮部
尚書丹陽姜寶頓首拜書

船政新書目錄

第一卷

題稿部咨

各七道

稟揭文移

凡九道

第二卷

弊害緣由

總由一條
快船十五條

馬船四條

調度大綱

凡二十四條
各船新編字號
夫船指掌冊式

各衛原派船數
稽蹟簿式
聽事水夫額數

第三卷

派丁編銀

凡二十六條
分司完票式

丁銀由票
禁約牌式

募夫着船

凡十一條

買給料價

凡一十條
油麻釘鉤常價

派木則例

修造船隻

凡十七條
各等則例
各匠額數

修造年分
給料總單式

查扣銀兩

凡十一條
底薪額例

半差額例
植柴額例

夫役工食

凡二十條
支工食冊式
各役工食銀兩

造夫條冊式
省府原派銀數

差撥驗裝

凡九條
大馬船差分數

好房起數

看守禁約

凡七條

申明職掌

凡二十條

第四卷

會計

銀查追節省實計捌萬伍千叁百貳拾陸兩肆錢零
減船免造約伍萬捌千兩共壹拾肆萬叁千叁百貳拾陸兩肆錢零
米實省叁萬伍千伍拾柒石貳斗

客問

凡五十四條

慮後

凡六條

紀事

凡二十條

解懟

凡十四條

黃船續集

船政新書目錄

船政新書第一卷

南京兵部車駕司員外郎 陳編

題稿部咨

郎 中馮景隆校

○○釐正五議疏

○南京兵部尚書

臣郭

題為船差困弊勢漸不

支敬陳切要事宜以裨時政事車駕清吏司案呈奉本部送據本司管船廠主事倪陳揭呈前事內開本職蒙委管理船政已逾一年竊見差使日煩弊害日滋軍甲困累家破身亡若不稍事調停誠恐後患不測謹將事體重大者條為

十議具揭呈請批行車駕清吏司酌報備行到司。該署司事主事孫秉陽細加覆議。委足以蘓軍困而釐弊端。除議考覈等五事。本部查照施行外。其議官守等五事。乞照題請等因到部。臣等竊惟留都諸曹獨船政最劇。弊孔最多。而軍甲之困苦最甚。臣等蒿目而隱心久矣。固未易盡議汰革。以杜浮冗之端。亦不忍徒事因循。以重軍民之累。除本部職掌所得專行者。悉照施行。不敢一一輕瀆。

天聽。茲將所議官守差使支放木料出則五事相應
開列上陳伏乞

勅下該部再加查議。如果臣言不謬。擬議上

請定奪。咨行本部。欽遵施行。則軍民幸甚。臣等幸甚。
緣係船差困弊。勢漸不支。敬陳切要事宜。以裨
時政事理。臣等未敢擅便。謹題請

旨。

計開

○一議官守。照得船政設三廠把總。歲終會同科道

舉効。蓋所以專事權而示激勸也。然黃船廠專管黃船是矣。差撥船隻皆由管船主事。則撥船廠為虛設。乃以快平船之修理者屬之。而新造者則屬之造船廠。因修多而造少。乃令造船廠總收木植。馬船屬江濟二衛。而又多以江濟二衛掌印官兼管造撥二廠。稱名無謂。行事矛盾。其失一也。估驗之時。造船廠欲多造。撥船廠欲多修。意見不同。事體掣肘。其失二也。木植係江濟二衛。及造撥二廠共用之物。而使一官總收。

收者不盡關心。用者更多藉口。其失三也。廠煩于衛。而把總專于指揮。但掌印五年黃選。而把總遇缺推除。故有衛已調簡。而仍總廠務者。專卑煩簡。各乖其序。其失四也。舉劾專為船政。向因江濟掌印。多兼造撥把總。而舉劾及之。致令偶有不兼把總者。遂不與舉劾。是管船同而激勵異。其失五也。合無將撥船廠改為快船廠。以錦衣等四十衛快平船屬之。照黃船廠事例。于四十衛內。選掌印指揮之賢能者帶管。造船廠

改為馬船廠。以江濟二衛掌印官各帶管馬船。赴廠修造。以上指揮四員。皆以本衙兼該廠把總名色。一體舉劾。并行去留。木植亦照油麻事例。計數分買。則事權一而激勵明。去五失而就二善。計之便者也。其委官員數。向屬太煩。以後江濟二衛各該五員。錦衣等四十衛各設一員。減去三十餘員。以免官多事擾之弊。伏乞

聖裁。

○一議差使。照得各船三年一差。而修造春秋二案。

大約一船三年之內。料價工食糧賞。使賣不下數百金。馬船仰給于官。猶之可也。快平黃船。皆係編審。名為有力。實則貧軍。而前站經手。又倚之為奇貨。指稱詐害。非刑榜掠。無所不至。一當此差。則身家不可保矣。見今

上供難緩。差使日煩。故或今歲而預撥明年。或臨春而預提秋案。往者猶有休息。今則迄無寧期矣。夫一船之內。有朋役幫甲。餘丁。無慮百十人。總計六七萬家。此六七萬家者。皆皇皇馬思畢其

命者也。根本之地。而使軍窮至此。可不為寒心哉。查得嘉靖六年。節奉

世宗皇帝聖旨。查進貢起數。可省則省。可併則併。如起數有定額。難以省併。裝運之時。照例著科道官。兵部官。監視。務要儘裝船載。不許多撥。

欽定額例。萬曆二年。又經題

准。裁減船差。故每年修造之船。止給常差之數。今

上供已出額外。而常差又復求增。以致預撥預提。日

積月累。數年之後。將何以支。合無通查常

貢船差及公侯伯進京悉遵

欽定額例其近日奉

旨增取者或同時起運則併差一官不必多委難以
併差者比照相同事體酌量撥給仍聽本部司
官會同科道官嚴行監視務要儘船裝載陞調
內官不拘是何衙門止撥馬船一隻身已在北
者遺下行李聽內守備衙門查船附載不必槩
給其馬快兩項船隻四六均撥前站經手照萬

曆七年題

隹事例。赴部卯酉。部給印票。付小甲收執。如有指稱等獎。許填註票內。回日赴部銷查。凡此皆恪遵明旨。並非擅議減縮而寬一分。則民受一分之賜矣。若因循不節。恐勢終不給。反誤

上供。是非所以善後也。再照大馬船止供下江差使。與小馬船進京者。苦樂較異。乃差至淮安等處者。亦皆撥小馬船。而扣追半差銀兩。是以數百金之費。行數百里而止。追還一二十金。在官為虛糜。而在船則多差利。歸于本甲。而害增于衆。

人也。合查凡係淮安而下換船搬壩者悉撥大馬船亦均勞逸之一義也。伏乞

聖裁。

○一議支放。照得馬船水夫原係南直隸江西湖廣等處食解。後經題

准。就近召募。而工食則各該州縣照數徵解。本部照數散給。是謂銀與人之無損益也。非謂解與放之不通融也。奈何失議法之意而啓弊害之端。必欲以本縣解到銀兩給所補該縣水夫而勢

終不能久待。則創為借支名色。有臨差而借者
矣。有役過而借者矣。有差使煩苦而借者矣。有
修造重大而借者矣。有因追拖欠官銀而借者
矣。又有幾年無解。而徑行改編者矣。未以萬人
之衆。而名色多端。又如此。查核可否。聽之衛官。
出入緩急。憑之胥吏。事體錯雜。文移浩繁。豈能
一一而綜核之乎。冊查蕪湖。黃梅。黃安。廬溪。興
安。城步等縣。原無欠欠。而歲徵解銀壹千。米百
餘兩。當塗縣歲支銀陸千餘兩。而止編貳千餘

兩。則立法之意。原自通融。且工食料價。總行編派。料價既係通融。而何獨疑于工食哉。况借支已非本處所解。而改編則并其冊籍而更之矣。顧猶執不敢通融之說。使貧困者嗷嗷待哺。而積猾乘之上下其手。竊以為非策也。合無總計出入通融支放。凡改編借支暫借預借名色。一切革除。每年見夫若干。支銀若干。指掌了然。隨時支給。所以杜奸竇而澤窮夫者。非細故也。伏乞

聖裁

○一議木料。照得船工所用楠木為急。而杉木次之。乃杉木無減折之例。又當時給價。故商人夤緣告納。以致買多積久。朽爛不堪。楠木頗為難得。係查工部稅單。計數派買。而反過為拶剋。既減其疵病矣。又恐心有麻腐。乃扣價十一。俟用完之日。而後給發。以致商人往往畏避。杉木苦多。楠木苦少。杉木之害在小甲。楠木之害在商人。二者皆弊也。夫木心之蠹。商人亦不得知。乃使

之守候于數年之後。已非人情矣。及查每年所
減麻心價銀。業亦無幾。而臨期缺木。則必廣行
召買。或減疵病。或寬丈尺。計之常價。十增二三。
以其所增。當其所減。何止倍蓰。而拘拿保家。督
責經紀。紛紛四出。擾害多端。勢不得已。則在官
姑收不堪之物。以取盈。小甲強領不堪之物。以
抵數。料既不備用。亦易朽。公私兩弊。昭然甚明。
又小甲陸續告領。本部陸續批查。官役刁難。奸
甲夤緣。弊端叢生。莫可殫述。頃該本官清理見

在杉木三年之內。不復收買。每年所省。何止萬金。合著為例。以後如遇應用杉木。皆先一年。預案呈堂。批准收買。買足之日。即呈堂停止。其楠木除疵病減價外。免其扣留。而量增派買之額。則商人免守候之苦。而本部免召買之累。豈非兩利之道哉。木頭鑿官匠姓名。隱匿疵病者。許本甲呈究。給木之時。查明各船等第。扣美應領木植。并油麻釘鍋等項。總開一單。召集各甲。拈閤給發。則終年之所擾擾者。頃刻可畢。而刁難

濫收之弊。不革而自除矣。伏乞

聖裁。

○一議出則照得修造各船其工料銀兩皆有定則。向由小甲陸續告領俟通完之日。委官查刷。凡所領逾則者。復委官追還。其間增減情弊。擢髮不足數。即每案所追出則大約不下二三千兩。秤頭火耗。小甲之加納者十三。而委官侵漁該衛之解部者十一。拖延不結。毋慮數十年。蠲免則為委官之資。清查則為各甲之擾。弊非一日。

矣。夫既與而復追，不完而議免，議免而不盡，皆
弊孔也。木植扣價，油麻計數，總填一單，拈閭給
散，自無出則，何用查追？如有額外告增，及冒破
餘剩等項，徑于應領銀內查扣，何用委官？近該
本官議行查扣，約計肆千餘金，小甲欣然而錢
糧清肅。如使委官追解，恐十年未必能了。而奸
弊亦不知其何極也。查得嘉靖肆拾貳年起，至
萬曆八年止，見經清查蠲免後，尚欠伍百餘兩。
多係委官侵匿，但有事係祖父，而物故貽惠有

身家困極。而無可賠償。清查稍嚴。則將各甲免過之數。指作應追。肆行追呼。上德不究。此輩雖罪無可宥。併望悉從寬宥。以廣

朝廷曠蕩之恩。自萬曆九年。起至十一年止。共約三千餘兩。先經委追。而工食亦先領訖。無可查扣。合將各官該管。查開手冊。立限比追。無令乾沒。其十二年以後。悉照近法。出則冒破。歸剩等銀。馬船于工食。快平船于行糧。楂柴皆于料價。預行查扣。以免委追。則官無虛糜。民沾實惠。委官

之事益簡而冗員信乎其可減矣。伏乞

聖裁奉

聖旨兵部知道。萬曆拾肆年肆月拾玖日。太子太保

兵部尚書張 等覆

題看得南京兵部尚書郭 等條議五事。俱于船

政有裨。相應開立前件。擬議上

請。恭候

命下本部移咨南京兵部欽遵施行。

計開

○一議官守

○前件臣等看得撥船既由主事。則廠為冗員。而撥船廠之兼修理造船廠之收木植皆委任不專。責成無法。是以有五失存焉。誠不可不為謀處也。所據尚書郭等具題前因。深為有見。相應依擬合無。俟咨南京兵部。除黃船廠照舊外。其撥船廠改為快船廠。造船廠改為馬船廠。快船廠於錦衣等四十衛。揀選賢能掌印指揮一員帶管馬船廠。以江濟二衛掌印官帶管。皆以本

銜兼各廠把總名色一體舉劾其收用木植亦照油麻事例計數分買各廠委官俱照議定員數委用以免十羊九牧之擾永為遵守伏乞聖裁

○一議差使

○前件臣等看得進

貢船隻設立之初原自足用亦未病民近日奉差員役額外多索裝載私貨肆行拷掠剝削貧軍以致差用不足困窘日甚所擬尚書郭等具

題前因深得節用善後之畝俱應依擬合無備
咨南京兵部將常貢及公侯伯進京船隻悉遵
欽定額例外其近日奉

旨增取者或同時起運則併差一官難以併差者酌
量撥給仍聽該部司官監視儘船裝載陞調內
臣止撥一船遺下行李查船附載仍將馬快船
四六均撥前站經手卯酉稽查以後差至淮安
徐州等處及換船搬壩者俱撥大馬船各項事
宜悉如所議施行伏乞

聖裁

○一議支放

○前件臣等看得馬船水夫既係就近募役則各處解到工食但當稽核定數給散明白而已今必以本縣解到銀兩給所補該縣水夫則解到自有遲速而給散不無先後是以借支之名多端出焉可否緩急之際吏胥因而上下其手肆行騙索是皆不體立法之意而拘攣之過也既經尚書郭等具題前來相應亟行釐革合無備

咨南京兵部。將馬船水夫工食。自萬曆拾肆年
為始。每年止查覈見夫若干。共應給銀若干。以
時支給。不必拘定募當某處水夫。方領某處銀
兩。致有守候之苦。其改編借支等項名色。盡行
革除。若有積猾衛官胥吏。仍前固執。不行通融
者。聽該部查訪的實。從重究處。伏乞

聖裁。

○一議木料

○前件臣等看得楠木料。均係船工所需。則給價

豈宜過為低昂。以致杉多楠少之患。且楠木既
不易得。而摻剗反過。遂致商人畏避。及其乏木。
又寬減召商。何前後之失計也。所擬尚書郭
等題稱以後如遇應用杉木。先一年預案呈堂
收買。買足即行停止。召買楠木。量增額數。免其
扣價。誠為公私兩便。經久可行。相應依擬。合無
備咨南京兵部。將收買木料。拈闈給發等項。悉
照所議事理。着實遵行。伏乞

聖裁。

○一議出則

○前件臣等看得工料銀兩。若干給領之時。清查定數。毋令冒破。如有餘剩。徑行查扣。則查刷之委官何用。而侵漁之弊。實自絕矣。今尚書郭等目擊其弊。條議前來。誠于船政有裨。相應依擬。合無。偕咨南京兵部。將嘉靖四十二年起。至萬曆八年止。拖欠銀伍百餘兩。查明的數。盡行蠲豁。造冊。

奏繳。萬曆九年起。十一年止。所欠銀叁千餘兩。責

成該管主事。開註手冊。立限追比完納。其十二年以後。悉照近行。出則冒破。餘剩等銀。馬船于工食。快平船于行糧。楂柴于料價。皆預行查扣。不必復行委官查追。致滋奸弊。伏乞

聖裁。本月二十一日奉

聖旨。依擬行。欽此。

○○快船催募疏

○南京兵部右侍郎臣顧 奏為特陳京軍最要

疾苦懇乞

聖恩。亟賜蘇息。以溥

德意。以召天和。事邇者伏睹

聖諭。以風霾示異。恐政事有妨民生者。命所司條具
奏請。仰見

大聖人畏天勤民至意。本部尚書臣郭 已條議四
事上

聞矣。續擬南京錦衣等四十衛甲餘孫芳等連名開具呈冊。內稱快船小甲十害。并處分六事。時臣應聘。請告杜門。該臣暫攝部事。隨與車駕清吏司主事倪凍細加查審商確。頗有端緒。一得之愚。不容自默。輒敢上干

宸聽。伏惟

皇上俯垂鑒焉。竊惟

皇祖開國之初。設四十八衛拱護

神京。無非居重馭輕之意。今日之留都。誠為根本。

之重地。然都城內外編戶。軍衛居其大半。干城爪牙。於是焉賴。今則日朘月削。極弊而不可支矣。究其所由。則船差之害為大。而各衛之所以告病也。船差之害有三。曰修造。曰差煩。曰審甲。修造之害。清之則弊除。已經臣等隨宜區畫。差煩之害。寬之則困蘇。臣應聘業已具奏上

請。至審甲之害。非大舉而更張之。不可去也。審甲之害不去。即修造無弊。差撥不煩。其害猶在也。臣請得而備言之。洪武初。置江淮濟川二衛馬船。

及錦衣等衛風快船。以備水軍征進之用。逮成祖定鼎金臺。遂專以運送

郊廟香幣。

上供品物。軍需器仗。而又有黃船。平船。名色。然皆僉軍駕運而已。後因船無定主。易於朽壞。乃僉有力者。使總一船之事。而名之爲小甲。夫荷戈執爨。屠估負販之流。豈真有力哉。就其儕伍之中。稍能自樹者。強而名之。強而用之耳。而長途之費用不貲。積猾之需求無厭。彼將何以堪之也。

故有一船而三四甲者矣。一甲而數人。塲名朋
役者矣。塲名不已而加之以幫甲。幫甲不已而
波及於餘丁。一船所累。毋慮數十百家。總之殆
六七萬家。此六七萬家者。皆濱于死亡而無所
控訴者也。分析規避。告替扳誣。畏之若湯火。而
豪強貪黠者。且視之為奇貨。蓋害愈多。則弊愈
甚。弊愈甚。則困愈深。故未救之先。則百計經營。
剝肉醫瘡。家業已破。及其既救。則多方求索。剝
膚椎髓。皮盡而毛無所傳矣。數年以來。如穆欽

秀鄭鑾陳嘉慶朱喜高銳吳子高等皆相繼自
盡舉室流離其典妻鬻子啼饑號寒者蓋十室
而九見之而有不痛心酸鼻者臣以為必無人
心者也夫大小馬船與快平等船一體差撥馬
船不以為苦而快平船則深以為病者何也蓋
快船之應役者皆小甲之正身而馬船則募夫
應役也夫有常直故人皆樂從人皆應募故外
無需索兩船利害何止徑庭臣以為今日亟反
之計在改快船為馬船而已臣所為改者非改

其制與名也。改其實而已。改其實者。去小甲之名。而從募夫之例也。如是。則向所謂百計經營。多方求索者。不禁而自革矣。查得進京馬快平船。共捌百陸拾肆隻。內馬船叁百陸拾肆隻。每船募夫壹拾陸名。共給工食銀貳萬玖千兩有奇。月糧米約陸萬玖千石。快平船共伍百隻。若照馬船事例募夫。則應銀肆萬餘兩。而月糧米玖萬陸千石。此則為費太多。難以輕議。然各船皆三年一修。以供差使。而差回空泊者。輒二年

有餘。故朽多而費重。各夫工食亦三年分領。故勞少而利微。若各船止留三分之二。而工食則增三分之一。使以一年修船出差一年更番休息。則船藉于頻修。而不至于朽。夫喜于增銀而不怨其勞。故留船陸百隻。而循環足用矣。又下江馬船。柴拾陸隻。似屬太多。合無減去貳拾陸隻。少隘其制。併作進京船數。則進京馬船共存叁百玖拾隻。而快平船所留者。止須貳百壹拾隻矣。照例募夫。增其工食。不過貳萬金。歲支糧

米約肆萬石。據孫芳等詞稱願照原船伍百隻之數。每隻派銀叁拾兩解部。共該銀壹萬伍千兩。則所少者不過伍千金。而修造兩省亦畧相當矣。又查得先年快平船原設捌百隻。守船有月糧。而出差有行糧。每歲所支約米叁萬石。自嘉靖萬曆等年裁減船糧。見支貳萬石。則比之近日雖有貳萬石之增。而較之先年原數所增不過萬石。但馬船差使既煩。則工食亦湏增給。計每年約銀壹萬兩。而本部馬船工料一歲所

嬴亦幾及貳萬兩。量入爲出。寬然有餘。伏惟
皇上作民父母。四海軍民皆惟赤子。而留京重地。比
之他處尤切。即使

國家額外捐銀萬兩。米萬石。出此六七萬家於水
火之中。輩留都於磐石之固。以

皇上之聰明仁聖。固將欣然樂從。而况通融裒益。本
不出於經費之外乎。且各軍原無常產。船差原
非常役。其自願輸萬伍千金。臣猶以爲無辜之
累。而使復因循不議。誠恐流亡困踣。日甚一日。

不惟船政大廢。運輸缺乏。而行伍空虛。守備單弱。變生不虞。他日之憂。更有不可言者。又將何以救之乎。本部諸司。惟船務為最劇。軍人疾苦。惟船甲為最深。地方隱憂。亦惟軍窮為最大。是以不避瑣屑。直陳于

皇上之前。伏乞

勅下該部再行查酌。如果臣言不謬。擬議上請。恭候

命下。移咨到部。先行江濟二衛。清審夫餘。如有不足。

許于附近地方。開召應募。查訪的實。詳具籍貫。年貌。文冊。候至萬曆十六年。小甲輪差已滿。即以次年為始。各衛通免審甲。革去前日小甲之名。悉用有司條編之法。每船一隻。編銀叁拾兩。審照貧富。以為差等。徵銀解部。募夫應用。其下江大馬船。減去二十六隻。改作進京小馬船。而進京馬快平等船。共減三分之一。兩年更番。增其工食。悉聽臣等會計酌量。務使經久可行。黃船差撥屬之外。守備修造屬之工部。編審屬之

兵科亦乞一體編銀催役。而復俯從前疏。申明舊章。併省進貢起數。查核扛數多寡。務加樽節。勿致泛濫。則數萬生靈。世世蒙再生之德。而地方安堵。豐鎬培不拔之基。所以召和氣而致禎祥者。良不小矣。緣係特陳京軍最要疾苦。懇乞聖恩。亟賜蘇息。以溥

德意。以召天和。事理臣等未敢擅便。謹題請旨。奉

聖旨。兵部看了來說。萬曆十四年五月十三日。太子

太保兵部尚書張 等覆

題。看得南京兵部右侍郎顧 奏稱

國初設江濟等衛馬快船。以備水軍征進之用。逮成祖定鼎金臺。遂專以運送

上供品物等項。而又有黃船平船名色。皆僉軍駕運。後因船無定主。易于朽壞。乃僉有力者領駕。長途費用不貲。積猾需求無厭。因備陳其困苦流離之狀。及稱查得進京原額馬船三百六十四隻。人多樂役。議將下江馬船。減去二十六隻。改

作進京馬船。其快平船五百隻。減去二百九十隻。止存二百一十隻。聽從軍額。照原船伍百隻之數。出銀募夫領駕。以甦其困。及將黃船轉行。兵科及外守備衙門。一體編銀募役。各一節。為照馬船快船。既均係進貢等用。豈宜苦樂懸殊。揆其所由。蓋因江濟二衛馬船工料。派之湖廣江西等處。徵銀解部。召募水夫。故歲給工食。月支口糧。船有損壞。官為修造。事守定規。未嘗有害。是以人皆樂役。至若黃快平船。則于南京錦

衣等衛。審編小甲幫甲名色領駕出差方有行
糧之給。撐駕又費催覓之資。而各船皆自行修
造。差官又從而需索科派。無有窮已。害及六七
萬戶。若因循不早為救處。將不知其所終矣。今
該侍郎顧目擊時弊。條議前因。不出經費之
外。而得紓困之策。當事之臣。虛心為

國。悉如所議。通融酌處。不嫌于更變。而期于經久。
上無匱公家之用。下有濟斯民之難。則救時之
術。宜未有過于此也。相應依擬覆請恭候

命下。本部移咨南京兵部。轉行錦衣等四十衛。將快
平船小甲。悉照江濟二衛馬船水夫事例。在于
附近地方。召募殷實人戶。詳具籍貫年貌文冊。
候至萬曆十六年小甲輪差滿日。即以次年為
始。通免審甲。每船一隻。納銀三十兩。以貧富為
差等。徵銀解部。以充募役工食之資。其下江大
馬船。減去二十六隻。改作進京小馬船數。原額
進京快平船五百隻。於內減去二百九十隻。止
存二百一十隻。永為遵守。兩年更番。增其工食。

悉聽該部酌處務使經久可行。仍轉行兵科及
守備衙門將黃船一體編銀。召募應役。庶久困
疲軍得以少甦。而留都重地。永保無虞矣。萬曆
十四年五月十五日奉

聖旨。各衛快平船小甲。既營累京軍。這免審編銀。及
減省船隻等項。俱依擬欽此。

陳始草此稿。經處原云。該臣此行。因司。忽。心。計。議。會。揭。到。臣。而
顧。堂。翁。改。為。臣。與。平。駕。司。主。事。倪。陳。細。加。查。考。等。詳。擬。擬。撥。累。副。輸。
甘。先。生。為。以。
道。經。無。聞。之。者。以。亦。未。之。知。也。使。無。
前後。堂。翁。主。持。則。我。為。
顧。堂。翁。為。人。之。累。矣。陳。謹。識。

○○專官經理疏

○南京兵部尚書臣傅等謹題為特陳京軍最要疾苦懇乞

聖恩。亟賜蘇息。以溥

德意。以召天和事。車駕清吏司案呈奉本部送准兵

部咨

云

欽此。欽遵行間。又據南京錦衣等四

十衛甲軍孫芳等連名通狀告稱芳等久困船

差。流離顛沛。今

諭音甫布。萬姓懽騰。伏乞專委倪主事。經理完報。救

活生靈等因。送司案呈到部。先該本部右侍郎
臣顧署管印務。看得車駕司郎中吳仕銓。見
在考滿未回。且俸資已深。所有見管船政主事
倪凍。委果留心職務。洞析利弊。所宜專委。以責
成功。隨劄行管理去後。續該臣等照得前項事
體頗多。計慮宜審。一切事宜。除本部可以徑行
者。聽本官規畫呈行外。其有一二關係重大。相
應題請者。謹開立條件上。

請伏乞

勅下該部。再加查酌。如果臣等所言不謬。速為覆
請。恭候

命下。咨行臣等。欽遵奉行。庶不孤

朝廷惓惓軫念軍民德意。地方幸甚。臣等幸甚。緣係
特陳京軍最要疾苦。懇乞

聖恩。亟賜蘇息。以溥

德意。以召天和事理。臣等未敢擅便。具題請

旨

計開

○一曰重事權以便責成。照得船政一節。蘇京軍之困苦。剔累年之積蠹。主持在部司。而奉行在各衛。必須上下相成。事方有濟。但該管主事與各衛掌印官。除江淮濟川二衛之外。無相關。若使沿襲舊規。群情何由振肅。公之嘗倪漣歷俸已及二年。而經理更需歲久。更集之際。尤須任怨任勞。自非稍示優。俾之盡意措置。未有可以齊衆而集事者。合無將該官比照戶工二部事例。量加協司職銜。

請給船政關防一顆一以重本官之事權一以新衆人之耳目仍免其赴京考滿毋致作輟稽悞事完之日容臣等考核題

請破格優擢以酬其勞則臣工兢勵事體易完而軍民得沾實惠矣再照本差職務特繁而舊無定員止以新到主事管之計日望代豈能專心職業講求利弊查得南京工部止是修造

黃船及戰巡等船尚註選主事一員專董其事本部船政豈特倍隄于彼而已合無俟本官竣事

之後。於該司主事二員內。比照前例。註選一員。付以新給關防。專理船政。隨時防檢。是又善後之一策也。伏乞

聖裁

○二曰明激勸以勵人心。照得船差之家。皆隸衛所。審編丁銀。事在各衛掌印官。其間奉法秉公者。間有之。而射利自私。掊剋軍伍。亦其常態也。自有小甲以來。上自各官。下逮胥役。皆藉以為利窟。一旦奪之。有不怏怏失望者乎。苟不示之激

勸恐無以鼓舞人心。且容有倡異說以陰啗阻撓者矣。合無令掌印官悉聽船政官調度。事完之日甄別賢否。具呈到部。聽臣等指名舉劾。果能守法奉公。有裨新政者。特與優叙。若徇私阻撓。昏庸不職者。或調衛。或革任。分別處治。其有鼓衆把持。罪情重大者。聽臣等不時摘行糾劾。重處。庶淑慝有章。而法行無阻矣。伏乞

聖裁

○三曰嚴叅罰以清逋負。照得各該省直州縣解部

工料銀兩原備馬船之用。今既歲增工食。以甦甲困。則快船之費。亦仰給于此矣。一歲所入。僅足以供所出。安可任其逋負。而不為之所乎。查得車駕司分司主事一員。原奉

勅書。親往各處。催督舉劾。

明旨昭然。固在。萬曆九年。又經申明一次。近年以來。差官則有地方騷擾之嫌。舉劾。各有職名。未確之慮。遂致因循廢格。各州縣視為末務。而徵解不全者。往往有之矣。合無查將前例。嚴行申飭。

仍容臣等每年七月初旬。行分司官。將完不及
分數州縣。通行查出。咨行各該巡撫。備查各經
管官職名。特差衛官一員。守催造冊前來。以憑
論劾。分別罰治。催徵完日。方許陞取。庶各官知
儆。工料早完。而所入足以供其所出矣。伏乞

聖裁。

○四曰豫會計。以便開支。照得各船工料銀兩。已經
臣等委曲措處。而開支米糧。則事在戶部。除馬
船仍照舊規外。其快船舊例。原係十年一審。應

于萬曆十六年輪差方畢。故前疏募夫應役。擬以十七年為始。而連年

上供。逾於常額。差撥繁多。今計舊存快船。止穀十五年之用。則新編船隻。當以十六年應役。例應先于十五年支糧。查得原船五百隻。看守有月糧。而出差有行糧。歲約支米貳萬壹千貳百玖拾石。今據主事倪涑謙呈收糧之法。大約將見留船二百一十隻。定為四班。漸次收補。而又據其修造之重輕。以為閏支之先後。於均平之中。寓

節省之道。十五。十六。十七。四年之間。通融加減。比之舊額。尚未及數。至十九年。為始。加收妻糧。每一半。然猶無所增也。直至二十年。通增妻糧。每歲方約增米。幾一萬石。始合前疏所題。歲增萬石之數。然比諸嘉靖年間原額。固不甚相遠也。若不預行知會。未免臨事稽遲。伏乞

勅下該部議請。容臣等先咨南京戶部。會計明白。臨期開支。則規畫預定。而糧餉不致後時矣。伏乞聖裁奉

聖旨該部知道。萬曆十四年八月初一日。太子太保
兵部尚書張 等覆

題看得南京兵部尚書傳 等條議四事。俱于船
政有裨。相應開立前件。擬議上

請恭候

命下。本部移咨吏禮二部。南京兵部一體欽遵施行。
計開

○一曰重事權以便責成

○前件臣等看得南京馬快船隻委干供運之重務

實賴振作之得人。非有幹濟之才。不能以集事。非專委任之權。不足以急功。所擬尚書傳等具題前因。深得經久善後之旨。相應依擬。合無移咨吏部。將南京兵部車駕司主事倪凍。比照戶工部事例。量加協司職銜。俾令專管馬快船隻。免其赴京考滿。事完之日。聽該部考核題請。優擢以酬其勞。本部仍移咨禮部覆

請。鑄給船政關防一顆。以便行事。其本官竣事之後。亦照南京工部事例。於該司主事二員內。註選

一員專董其事。以後相襲舉行。不得紛更。伏乞
聖裁。

○二曰明激勵以勵人心

○前件臣等看得船政之調度。固在于部署之振舉。
然非衛官。無以責成其事。而衛官之勤惰。非舉
効無以激勵其心。所據尚書傳 等具題前因。
深得激濁揚清之法。相應依擬。合無咨行南京
兵部。將所議舉効事宜。轉行船政官。着實舉行。
毋得視為文具。致隳衆心。伏乞

聖裁。

○三曰嚴懲罰以清逋負

○前件臣等看得工料銀兩。原係額供錢糧。若任其逋負而不督催。則甲乙倣效。視為故事。而馬快船之資費。何所取給。要非所以甦軍甲之困也。今該尚書傳等。欲將催督之例。嚴行申飭。如有未完等項。咨行巡撫。備查職名。特差廉幹衛官。守催冊報。聽該部分別論劾。一可以杜騷擾之嫌。一可以振廢格之弊。相應依擬。合無備咨。

南京兵部。悉照所議施行。伏乞

聖裁。

○四曰豫會計以便關支

○前件臣等看得船甲之糧米。既隸戶部之關支。而應增應支各數。亦當豫為會計。庶免枵腹待哺之患。所據尚書傳等具題前因。要皆先時豫備之意。相應依擬。合無咨行南京兵部。將新舊存留快船。應支糧米。照依原議年分。那償支給。仍須漸次收補。以贍其用。每歲應增數目。查算

的確。轉咨南京戶部。豫先會計明白。聽令臨期
照數關支。毋致稽遲。不便。伏乞

聖裁。本月初三日。奉

聖旨。依擬行。欽此。

○○增飾船制疏

○南京兵部尚書傳 等謹

題為特陳京軍最要疾苦懇乞

聖恩亟賜蘇息以溥

德意以召天和事。車駕清吏司案呈。奉本部批送管
理船政署員外郎事主事倪涑揭稱本職欽奉
明旨。經理船政。雖各項事務業已就緒。而慮後之計。
猶宜致詳。蓋快船之實雖革。而其名不可除。快
船之數雖減。而其用不容缺。今之兩增者。馬船

也。然遇修之時。有船已沉卸。所宜重造者。為費甚多。今之所減者。快船也。然應減之船。有體尚堅固。堪於駕運者。棄置可惜。合無備查馬船之沉卸者。免其重造。即擇快船之堅固者。照數抵補。則馬船之所省不貲。而快船之應用不缺。且工食料價。已皆一體。使後日以馬船不如快船之疾速也。則馬船悉仿快船之制可也。使後日以快船不如馬船之高朗也。則快船盡從馬船之規可也。事在于今。原無更變。而法垂於後。又

可通融。其快船周圍。仍加彩畫。而後倉則易蓬。以板稍似馬船之形。本身制度。悉仍其舊。是增其文飾。堅固。而於舊制。一無所改也。事體人情。實為兩便。等因。到司。該掌印郎中馮景隆看得。馬快船式。原不相遠。但恐私面不便者。或藉口於制度之不同。今委曲更調。既足快船歲用之數。而馬船免於重造。所省更多。且在今無紛更之嫌。而在後裕變通之術。相應依議。奏

請施行等因。到部。看得快船之苦。已幾二百年。近當

水患之流離。又值編審之將及。人情洶洶。深為可慮。荷蒙

皇上超然遠覽。

俯從臣等所

請。擇官專任。十萬生靈。若脫之水火。而置之衽席。莫不舉手加額。以祝

聖壽於萬年。誠千載一時之會矣。但船式關於

上供。而人情或不可測。今更換新舊。節省官銀。快船雖減。而實存。馬船不造。而自足。既該員外倪涑。

籌畫於始。又經郎中馮景隆參酌於後。救時慮遠。可謂詳妥。相應奏。

請。伏乞

皇上。勅下該部。擬議覆。

請。恭候

命下。移咨到臣。備行本官。使之益竭心思。務底成績。則軍國永賴。而臣等一念任事之愚忠。亦庶幾其少慰矣。緣係特陳京軍最要疾苦。懇乞

聖恩。亟賜蘇息。以溥

德意。以召天和事理。臣等未敢擅便。謹題請
旨。奉

聖旨。兵部知道。欽此。萬曆拾伍年米月初肆日。本部
尚書王 等覆題。卷查萬曆拾肆年捌月內。該
南京兵部尚書傳 等條議船政。已經本部覆
奉

欽依。裁定馬快等船。增減數目。責令該部車駕司主
事倪凍。專心經理修造去後。今該前因。看得南
京兵部尚書傳 等題稱。將馬船之沉卸者。免

其重造。即擇快船之堅固者。照數抵補。而於周圍仍加彩畫。後倉易蓬。以板使似馬船之形。而制度悉仍其舊。通融更換。節省官銀一節。為照馬船應增。而當修之時。有船已沉卸。所宜重造者。為費甚多。快船應減。而應減之船。有體尚堅固。堪以駕運者。棄置可惜。今將應減快船之中。擇其體尚可用者。稍加改飾。抵補應增馬船之數。即有沉卸應修者。免其重造。是既足供應之需。又省工料之費。通融有法。樽節甚多。相應依

擬覆

請恭候

奉下本部移咨南京兵部責令經該司屬等官備查
應用馬船見已沉卸若干隻應減快船見有堅
固若干隻通融照數抵補不須重造惟於船外
及後倉加之彩畫易以板蓬使馬船之體制自
存快船之舊料不廢其於輸運重務裨益不淺
鮮矣等因萬曆拾伍年柒月初陸日奉

聖旨是欽此

○○請蠲風逋疏

○南京兵部尚書臣陰 等謹

題。爲特陳京軍最要疾苦懇乞

聖恩。亟賜蘇息。以溥

德意。以召

天和事。車駕清吏司案呈。奉本部批。送據管理船政

署員外郎事主事倪凍。揭稱本職欽奉

明旨。更新船政。一切經理。業且告成。近蒙本部初任。

見四方災沴相仍。

留都連年水患。屢命司屬。通查職掌。凡可以蘇軍民之困疲而廣

朝廷之

德意者。據實開報。以憑施行。遵依查得錦衣等衛快平船舊役小甲。自萬曆拾貳年起。至拾肆年止。共未完年例油艚銀貳千壹百壹拾玖兩貳錢壹分玖釐。自萬曆九年起。至十三年春案止。共未完出則冒破餘剩銀壹千柒百壹拾叁兩肆分捌釐肆毫肆絲叁忽伍微。自萬曆拾壹年起。

至拾伍年止。底薪半差等項銀壹百玖拾陸兩伍錢伍分捌釐陸毫通共未完銀肆千貳拾捌兩捌錢貳分陸釐肆絲叁忽伍微。饑饉流離人不堪命。今計各役常差之期。雖該以萬曆拾陸年為滿。但連歲

貢額倍常。舊船不待至期。先已撥盡。故今十五年。即照新議改派丁銀。計所納拾伍拾陸兩年之數。殆不下叁萬兩。而自今以往。又永無虛糜拖欠之弊。是前項銀兩在小民既因困窮逋負。而

在本部又已劑量先徵。蠲之于

國計無損。徵之則民力不堪。伏乞行司酌議具題。請蠲。則貧軍之困盡紓。而來蘇之心益慰矣。等因到司。該掌印郎中馮景隆看得前項銀兩。向因各甲出差費重。貽累貧乏。以致經年拖欠。今行新法。貧富有序。輸納爭先。軍戶流移。方漸還集。而使以夙逋復肆追呼。恐襁負來歸之衆。復將展轉溝壑。何以慰其更生之願。况丁銀預納已多出。則弊端已絕。即少蠲之。自無不足者。備查無

異。委應具

題等因到部。該臣看得南都連歲災歉。京軍尤極困疲。恭逢

皇上加志窮民。凡四方水旱已屢發

德音。切于拯救。即常賦之額。猶議

蠲除。雖在官之儲。猶議發賑。况丁銀之見納者。已及
叁萬。而夙逋之難追者。不過肆千。蠲不急之徵。
以蘇積困之衆。推不費之惠。以廣恤災之仁。正
今日所宜亟行者也。既經該司備查酌議。理合

具

題伏乞

勅下兵部再加覆議上

請恭候

命下。移咨臣等。遵將未完年例出則等銀共肆千貳

拾捌兩捌錢貳分陸釐肆絲叁忽伍微盡行

蠲免。則荒年無追徵之擾。貧軍有樂業之心。其于我
皇上愛民恤困之仁。未必無少補于萬一矣。緣係特

陳京軍最要疾苦。懇乞

聖恩。亟賜蘇息。以溥

德意。以召

天和事理。臣等未敢擅便。為此具本。專差千戶牛應

宿齋捧謹題請

旨。奉

聖旨。兵部知道。欽此。萬曆拾伍年拾壹月初叁日。兵

部尚書王 等覆題。看得南京兵部尚書陰

等題。稱南京錦衣等衛快平船舊役小甲。連年

未完。年例出則等銀共肆千貳拾捌兩捌錢貳

分陸厘肆絲參忽伍微。向因各甲出差費重貽累貧乏。以致經年拖欠。今南都連歲災歉。京軍尤極困疲。況查見納丁銀已及參萬。前項夙逋。不過肆千。乞要盡行蠲除。以蘇各軍積困一節。爲照經

國理財。惟在上足歲用。下體民情。南京快平船小。甲年例出則等銀。當時所以派之各軍者。亦爲歲用計耳。今該部定爲新議。改派丁銀預納已多。歲用已足。前項未完銀兩。即爲蠲免於

國計無損於軍。困大甦。既經尚書陰等酌議。停妥。具題前來。相應依擬覆。

請恭候

命下。本部移咨南京兵部。將各軍連年拖欠年例。出則等銀肆千貳拾捌兩捌錢貳分陸厘肆絲叁忽伍微。悉與蠲免。以蘇困疲。仍大書榜文。揭示通衢。衛所不得重徵。軍甲不得冒騙。使饑饉流離之衆。咸霑。

朝廷浩蕩之恩等因。萬曆拾伍年拾壹月初伍日。

奉

聖旨是欽此。

○○請定差役疏

○南京兵部尚書臣陰 等謹

題爲特陳京軍最要疾苦懇乞

聖恩亟賜蘇息以溥

德意以召

天和事。車駕清吏司案呈奉本部送據管理船政署
員外郎事主事倪漣揭稱近者船政更新京軍
樂業但衛所各官喜事射利者多而潔已奉公
者少非示以畫一之守何以收寧一之功查得

衛所軍餘各差不一。快平船重矣。而次則有黃船。有運糧。有軍斗。有小識字。有長巡。有夜巡。有修倉。有看倉。有夜歇。有看守草庫。有跟隨巡捕。有守內外城門有。

內府幼匠。有工部燒窯。有供應機房梭檢。有御馬監養馬。有武學聽事。凡拾捌等。要之快船。獨當其米捌。而別差共居其貳叁。或困其力。或困其財。或財力俱困焉。去取出入。皆衛所之事也。舊例各差原有分認。自船差困極以來。每遇缺

乏輒以別差餘丁撥補而別差有缺亦撥船差
之人補還遂至彼此牽連蕩無限制而官役樂
其多事以恣需求凡壹役偶缺則盡壹衛之人
而繹騷之故有壹人而當數差者有壹差不當
而爲空閒者有各官隱占而竟爲私役者公門
之姦弊萬端而閭閻之板計百出擾亂困害至
此極矣夫軍之與民皆爲赤子民差版籍不亂
而軍差尺籍混淆者以軍餘各差

國初所未有亦

令甲所未載故雖有分認而亦易紛更。今快船編派丁銀比之別差輕重相等而又該本職逐一清理各差俱已從一合無題

請恭候

明旨著爲定例凡快船丁銀悉以今冊爲據子孫永遠辦納即有消長止於本冊內增減並不許扳扯別差亦不許別差扳扯是守壹差之舊而免拾有柒差之擾也省事安民莫便於此職豈不知弊孔盡塞致怨於人顧今快船所重者惟

丁銀而丁銀所出者由戶籍。使一變動。則各軍歲歲有板連之擾。而

國家歲歲有賠贖之費矣。與其順群小之私。孰若爲

國家經久之慮。與其避一身之怨。孰若貽各軍無窮之安乎。爲此具揭。伏乞批司酌議。早爲具

題。等因到司。該掌印郎中馮景隆看得軍民差使。理無重役。向因船差困極。逐致互相扳扯。紛紛擾害。弊難枚舉。今本官清理歸一。明於指掌。庶

幾各役有息肩之日矣。若不著爲定例。誠恐漸致紛更。且丁銀歲有額徵。而戶丁常無定籍。不惟姦弊復作。亦恐輸納不全。委宜具

題。永杜變亂。等因到部。該臣看得安民之道。惟事簡法清。與之休息而已。故今船政之法。雖任事者極其煩勞。而要其所歸。則惟省重以爲輕。剔煩以爲簡。而變難以爲易也。况劑量適均。各差已無偏重。而戶籍一定。各軍惟恐變更。據其籍而世守之。則所事者壹。而所省者拾有米。事本

命下。本部移咨南京兵部。備行各衛所。快平船丁銀。悉以今冊爲據。子孫永遠辦納。遇有消長。即於冊內人丁增減。不許扳扯別差人丁。別差雖遇缺乏。亦不許將快船餘丁撥補。著爲定例。一體遵守。衛所各官。如有違

制紛擾圖逞已私者。悉照原議。嚴加處治施行等因。萬曆拾伍年拾壹月初伍日。奉

聖旨。是欽此。

○○船政報完疏

○南京兵部尚書臣陰 等謹

題爲船政事完遵

旨考覈任事司官事。武庫清吏司案呈奉本部送據
本部車駕清吏司管理船政署郎中事主事倪
漣呈稱本職先奉本部劄付。爲特陳京軍最要
疾苦懇乞

聖恩。亟賜蘇息以溥

德意。以召

天和事。專委本職。經理船政。事完之日。呈部考覈。題請等因。隨該本職。遵奉原議。經理苟完。除將造過丁銀書冊。備照書冊。船夫指掌圖冊。并刊船政新書。呈堂聽查外。所有原蒙。創委事理。遵依完報。伏乞。考覈施行等因。送司稟堂。奉批查行。奉此。隨經。移付該司。吊取本官原經理過船政始末文卷。備付前來。卷查先准吏部咨開。准兵部咨。該本部題。南京馬快船隻。係干供運重務。要將南京兵部車駕司主事倪涑。比照戶工貳部事。

例量加協司職銜。俾令專管馬快船隻。免其赴京考滿。事完之日。聽該部考覈題。

請優擢。以酬其勞。本官竣事之後。亦照南京工部事例。于該司主事貳員內。註選壹員。專董其事。以後相襲舉行。不得再議紛更等因奉。

聖旨依議行。欽此。咨部送司。查得本部見行事例。南京戶工貳部註選官員。俱以差滿赴部考覈。又查得倪凍歷主事俸未及兩考。例該署職。通查案呈到部。看得主事倪凍。既經兵部題奉。

欽依移咨前來。又經該司查有考滿事例。相應題請欲將本官加陞南京兵部車駕清吏司署員外郎事主事。恭候

命下。本部給憑。令其專管馬快船隻。如遇考滿。免其給由。候任滿之日。聽該部考覈。仍起送赴部補考。以後註選該司主事壹員管事。永爲遵守等因。奉

聖旨是欽。此備咨前來。先准兵部咨開該本部右侍郎顧題前事。該兵部覆題奉

聖旨各衛快平船隻小甲。既苦累京軍。這免審編銀。
及減省船隻等項。俱依擬。欽此。備咨到部。又准兵
部咨開該本部尚書傳等亦題前事。該部覆
奉

聖旨依擬行。欽此。等因。咨部。隨經創行署員外郎事
主事倪凍經理去後。續據本官扣于萬曆拾伍
年柒月貳拾壹日連閏。實歷俸叁拾陸箇月。叁
年考滿。例應給由。呈請委官暫代起送赴部等
因。奉本部批查得本官奉吏部咨文明開考滿

免給由矣。況船政雖定。而創行之始。正賴督理得人。方能事有專一。暫代恐非所宜也。該司查各部例報奪奉。此查得本官新改船隻。雖已出差。所派丁銀。雖樂輸納。尚有快船壹百伍拾隻。未及提修。人夫壹千陸百捌拾餘名。未盡調撥。所議船夫指掌圖冊。亦未造完。一切調度。方賴本官酌行。固非他官可得而周悉。所據給由一節。相應查照南京戶工貳部。奉差官員。差滿補考。本官督理船政。寔與各部奉差事例相同。仍

留在部管事。俟其事完。呈部起送。給由等因。移咨南京吏部查照外。今奉送前因。查得本官經理過馬快平船玖百肆拾隻。已經完備。原審正幫甲并餘丁楊芳等壹拾貳萬伍千名。已盡寧家。造過錦衣等肆拾衛丁銀書冊伍本。共計伍萬丁。又造完軍丁備照冊貳本。其預徵萬曆拾伍年分丁銀。除見差船隻扣筭免徵外。實徵銀壹萬叁千壹百捌拾肆兩陸厘伍毫捌絲。俱徵完貯庫。萬曆拾陸年分丁銀并油艚餘差共壹

萬陸千貳百餘兩。見今行徵。又造完船夫指掌圖冊壹拾貳本。計水夫壹萬伍百肆拾名。調撥已盡。其新船于萬曆拾伍年伍月拾壹等日撥差起。見撥過壹百伍拾陸隻。又刊完船政新書肆卷。計貳百玖拾肆條。逐項查明外。又該本司會計先後銀米數目。節省不下累萬。事事停妥。人人稱便。其苦心盡瘁。備見於船書。慮遠防微。更徵於圖冊。即今歡聲載道。公論翕然。誠爲善後之良謀。

國家之永利也。已經查勘明確。理合案呈考覈。具
題補考優錄等因到部。看得船政一事。關係極重。
而事體極煩。至于內外阻撓。尤甚掣肘。該署郎
中事主事倪涑。力創其議。身任其成。不避怨嫌。
惟求共濟。取百數拾年之靈藥。釐正於一時。舉
肆拾餘衛之困疲。蘇息於旦。且才猷宏遠。計畫
周詳。省費殆已不貲。為謀且能垂久。不惟有益
貧軍。蓋將仰裨

國用者。非淺小也。既經該司查勘前來。擬合題

請伏乞

勅下吏部再爲酌議

請將署郎中事主事倪凍行令赴部補考查照原
題優錄惟復

俯念船政新成人心正戴或量加陞俸級仍留在司
總理候其資序相應破格以待則勞績可酬而
地方之望亦慰矣緣係船政事完遵

旨考覈任事司官事理未敢擅便爲此具本專差
戶部英選齋恭謹題請

旨奉

聖旨。吏部知道。欽此。欽遵。萬曆拾陸年叁月初柒日。
太子少保吏部尚書楊 等覆題。查得本部

見行事例。南京戶工貳部。註選官員。俱以差滿。
赴部考覈。通查案呈到部。看得南京兵部尚書
陰 等題稱。管理船政。車駕清吏司署郎中
事主事倪凍給由。行令赴部補考。惟復仍留在
司總理一節。爲照本官創議造船。委多功蹟。但
差滿之日。起送補考。已經本部覆題奉有

明旨。且所議優錄。亦須南京吏部及河南道考覈到部引。

奏之後。方可臨時議處。合無恭候。

命下。行令該部。仍將本官考覈起送赴部補考。庶事例不致異同。而優叙亦爲有據矣。等因。本月初玖日奉。

聖旨。是欽此。

稟摺文後

各稿母慮百十通錄其事有背紫而款中所不見者餘皆弗錄

○○郭堂翁稟帖

○南京兵部車駕清吏司主事倪漣謹

稟頃者仰荷

台命條陳船政十議蒙批五議照行五議題

請業已具藁呈覽然此特其細節也即不題亦未必不可行即不行亦未必不可已也所謂軍國之大計拯民生於塗炭而鞏根本於磐石者獨盡改快船一事而已業已三請而未竟其始末茲

敢畢陳之伏乞

垂聽焉。

高皇帝水征之有馬船也。以載軍馬也。其有快船也。以載輜重也。

文皇帝定鼎金臺。皆為貢舫。然馬船係水夫應役。有工食糧米。而快船則僉軍駕運。後因軍不惜船。遂令其支領木料。自行造修。於是皆僉有力者充之。惟名有力。故官役需索。內使逼詐。勞費困辱。殊不可堪。真有力者。萬方計脫。而稍給衣食。

及貧窮愚弱之輩。無不領船當差矣。梁名朋甲
分析釐毫。推避紛爭。日相鬪訟。其間弊害。擢髮
不足數。雖千金之家。十年之內。而當三差。未有
不蕩盡者也。流離自盡者。何歲無之。遵

二祖之約束。僉軍駕運。而官為修造。亦奚不可。然勢
不能杜中貴之權。而顧使之一無所藉。恐他日
之憂。更有大于此者。所謂口不得而言也。為今
之計。惟有仍快船之名。用馬船之法而已。蓋馬
船夫甲。皆係雇募。近觀中貴出差者。皆求快船。

而不願馬船。則馬船需索之不便可知也。軍民人等求充馬船水夫者。紛紛不息。則馬船夫役之不苦可知也。驗船之時。馬船完好。倍于快船。以馬船有常守。而快船係輪役也。船回之時。馬船限期亦先于快船。以馬船往回有常。而快船財力已竭也。馬船無逃夫。而快船有逃甲者。以馬船甘一時之勞。以亩三年之養。快船則累極而思去。既去而倖免也。利害較著。而人不敢議者。豈盡自便之心。亦以養夫之無策耳。查得快

船五百隻。若照馬船事例。該夫八千名。工食約肆萬餘兩。而米約九萬六千石。但快船每年除無名之費。道路之苦。意外之虞。所不計外。其出差私派。亦不下三萬餘兩。使減其半。而通融派征。有不忻然鼓舞而爭先輸納者乎。工料歲用有餘。可以請捐。船政虛糜無度。可以節省。共慶一二萬兩。湊用。則所少者米耳。再查進京馬快船。共八百六十四隻。內馬船三百六十四隻。每隻額夫一十六名。共五千八百二十四名。臨差

一年。固為應用。而閒居兩年。實為虛糜。若閒居
守船。止用六名。而將見在馬船之夫。分派快船
之內。尚餘夫六百四十名。儘缺勿補。固不必減
革以驚人心。而臨差則加給行糧一十名。又盡
給三年各十六名之工食。使之自行雇募。并供
出差諸費。是米無缺乏。而銀有餘餒矣。其銀前
議已足。而其米則取之快船原支小甲安家行
月等糧。及適年不補夫糧。而業已裕如。豈非所
謂不加賦而用自足者哉。若以各夫分船。恐年

修造之輕重則莫若將馬船夫仍其舊而快船一體募夫。但裁減快船以省募夫之值。又通增工食。以增減船之差。會計所費皆不相遠。而又可以省修造變料價。較之前策更為便妥。是在老先生擇而行之耳。安常守順之說。蓋為常而順者。則安而守之。即所謂祖法不可變之意也。今已廢

祖宗之法。軍困而不支。費濫而無節。尚可謂之常與順乎。日甚一日。年甚一年。即欲安而守之。胡可

得歟。若謂南京不宜革弊。是自私自便者之說。非職所敢聞也。

老先生純誠體國。而

政府方虛懷求善。倘蒙採擇而轉聞之。未必其不見入也。合屬頗多才賢。亦惟

老先生所使。昨云委之下職。則誤矣。職結髮受書。本無他技。雖民瘼國事。頗所留心。而性闇而踈。才庸而窒。即能言之。未必其能行也。若欲委之于職。則誤矣。職此帖。不敢委筆于人。又不查

考卷冊。故數目未核。而周析未詳。誠恐迂踈不足採。

台見尚未定。而各軍聞之。反起其皇皇之念。于事體原無益耳。南中生齒。軍強半焉。而軍人大害。莫如此事。此事若荷

留神。則不惟十萬生靈。世世享生全之福。而軍漸歸營。又于戎政有裨。豐鎬萬年之計。非老先生又誰望哉。為此具稟。伏乞

財簪批示。下情不勝悚慄之至。須至稟帖者。

○○○派編丁銀通行各衛牌

○南京兵部管理船政分司員外郎倪 為特陳
京軍最要疾苦懇乞

聖恩亟賜蘇息以溥

德意以召天和事照得近奉

明旨更張快船事宜蓋以蘇十萬餘家之困苦而剔
二百餘年之弊蠹所關軍國事非渺小本職猥
以菲才謬叨重委日夜兢惕惟恐不勝願相與
同心以共成善政者則各衛掌印官是賴而已

竊惟各官。世受

國恩。正宜勉奮報効。而事干舉効。尤當奮志功名。母聽唆哄之言。母懷疑二之志。母蒞法而射利。母陽是而陰非。其一意奉公。助成新政。本職必不相負。不然

明旨具在。

堂禁森然。本職亦不能為爾庇也。為此示仰旗手等四十衛官識人等知悉。逐一查照。後開款項。遵奉施行。須至牌者。

○○移內守備禁約出差各監局官員帖

○南京兵部尚書傳 為特陳京軍最要疾苦懇

乞

聖恩亟賜蘇息以溥

德意以召天和事。照得本部原設進京快平船五百
隻馬船三百六十四隻共船八百六十四隻十
年三差。往時凡撥差使皆快六馬四。今准兵部
咨為前事。遵奉

聖旨。各衛快平船小甲。既苦累京軍。這免審編銀。及

減省船隻等項。俱依擬欽。此將快平船甲役盡行
免編。悉照馬船事例。募夫應役。快平船止存二
百一十隻。馬船三百九十隻。共六百隻。十年五
差。在船甲夫盡係催募。馬快平船事同一體。為
此合用揭帖前去。

南京內守備廳知會。煩為轉行各該衙門。悉遵
明旨。俟舊設快平船撥盡之後。一應差使俱聽本部
酌量兼撥。以盡六百隻為一週。仍嚴禁前站經
手等項人役。凡船中事務。悉照馬船母得分外。

需索以致各夫怨恨自取罪戾。再照近年以來快船小甲類多奸狡身家可過者。即催募積年棍徒其家力貧難者。又多拚命蓄賴。或臨差躲避。或中途脫逃。或尅落官銀。修造不固。遇風漂沒。反借運官銀兩。回家之後捏情抵騙。雖經查明而住居星散無從追給者有之。今悉照馬船事例則人皆在官。事無推諉。如有不法悞事之徒。可以查究。是

新例之行。不獨貧軍受福。而差使員役便益尤多。更

煩備諭出差官員。務在欽遵。

明旨施行。

○○咨河道部院山東撫院禁革沿途積害文
○南京兵部尚書傳 為懇禁沿途蠹害。以肅地
方。以蘇甲困事。車駕清吏司案呈。准本司船政
分司。付開攬馬快船廠把總等官王誥等揭帖。
開稱攬江淮濟川二衛馬快船平船小甲胡已充
等。連名呈稱。役等承領馬快船。每遇差裝各項
錢糧赴京。切被儀真揚州淮安等處。沿途一帶

無藉群虎惡棍。號為蹉船火光等項名色。遇船到彼。登船索詐。常例稍有。不遂。輒將私鹽等物。拋於倉內。或將飯米行李。捏為私貨。百般嚇騙。坐陷無辜。如儀真火光。勒詐常例三錢。揚州火光。常例五錢。淮安火光。常例五錢。徐州呂梁二洪相識五錢。臨清火光。常例五錢。又有臨清帶磚二百四十塊。除交官價外。勒要使用銀八兩。船隻到灣。起剥錢糧。仍要看堆使用銀叁兩。發空回南。搜鹽火光。勒詐常例銀一兩。甲累無辜。

實為船政蠹害。懇乞轉達。行文沿途一帶洪閘等衙門。究禁剪惡。庶差裝不致受害。貧甲得以稍蘇等情。備付到司。准此。看得先年赴京船隻。有馬快之分。馬船係雇募夫役。但資工食過活。快船係審有力之家。或有挾帶私貨。以覓利息者。以致沿途地方。生情索詐。相因日久。即無挾帶者。亦一槩被害。莫可聲訴。近奉

明旨。快船馬船。一體募夫在船夫役。悉係窮民。誠恐沿途積棍。仍前需索。則各夫必不能堪。而新法

終不可久。相應移咨河道等衙門一體嚴行禁革等因。案呈到部。擬合就行為此合咨。

貴院煩為行令兵備道轉行沿河一帶府屬州縣地方。遍出榜文張掛。凡遇本部差出裝運。

上供錢糧船隻到彼。如有前項蹉船搜鹽等項棍徒。仍踵前弊。侵害甲役者。許各甲即赴所在官司稟究。各該衙門仍設法採訪。但有此等不時擒拏。輕則徑自責治。重則鎖解。

貴院依例問遣。務使各屬軍衛有司。一一遵奉。

新題事例嚴示施行。希無視為泛常。有事奉
旨恤甲之意。

○○議水夫聽事揭帖

○南京兵部車駕清吏司管理船政署員外郎事
主事倪凍為特陳京軍最要疾苦。懇乞

聖恩。亟賜蘇息。以溥

德意。以召天和事。案照先該本職揭開各衙門役占
水夫凡二百九十四名。呈

請定奪。蒙批司務廳會同四司酌具。共去

七十六名。留二百一十八名。會揭呈

堂批允在案。但照水夫工食向各隨縣。而當差又各隨船。故一船之內名數不齊。工食之數多寡不一。各衙門所役人數皆以看船當差為名。移咨戶部收糧。而實在衙門應役既已開載職掌。人所共知。而又掩耳偷鈴。殊非事體。推其所由。蓋謂各衙門不宜役占水夫。故為此漫欺之術也。該職備查。

大明會典及先後職掌。乃知江濟二衛。

聖祖特設以停泊馬船。管夫役。原非軍衛也。會典
內開載事例一款。武官隨從人。指揮使至僉事
各四人。尋加二人。千戶以下三人。百戶以下二
人。俱在正伍取用。三日一易。衛所直廳六人。守
門二人。守監四人。守庫一人。俱選老軍充役。一
月一易。夫管軍則役軍。江濟二衛既專管夫。則
所役者。非夫而誰。及查

國初二衛馬船共八百一十七隻。而夫共二萬三
百六十二名。二衛官員相沿私役。殆不可記。至

嘉靖二十四年。因裁減夫船。乃留其不盡減者。聽各官跟用。是減之而未盡非創設也。後本部復設分司。及總庫。又議設巡河巡捕等要官。則一應聽事跟伴。及庫子等項。俱宜添設。使不用水夫。則須另議錢糧。以供各役。故即將所減之夫量留應役。揆之事理。極為妥順。但未有發明透徹。徒因循苟且。反貽可議之端耳。況今各船字號已更。各夫名數已定。工食多寡已均。即欲使各役插入別船。不惟理有所不可。亦勢有所

不能矣。且各衙門所役。在往時事體冒濫之際。名數尚多。今百弊清楚之日。又經裁減。而使盡欲議革。毋論人情不堪。即自古以來。亦豈有衙門而不役一人者哉。合無將各衙門應用人役。照今所裁定之數。明開為聽事水夫。從實移咨。每名遵例。歲支工食銀三兩五錢。則制限既明。後日永無私增之弊。不然。名稱不實。濫觴無已。往日之弊可鑒也。再照江濟二衛。今見大小馬船止四百四十隻。連新改快平船。止共六百五

十隻。再加以今議聽事水夫。共不過一萬三百餘名。比之

國初。僅及其半。用省而名正。限定而弊絕。似于計便。本職未敢自專。擬合呈

請批示施行。須至揭帖者。奉

堂批。衙門應用人役。果係必不可少者。須得從實裁定。若可對人言。雖私亦公也。據議查擬妥確。事體明正。不但釐私增之弊。且所省寔多。誠於計為便也。悉如行。仍諭衆知悉。

○○議抵免大馬船提追工食揭帖

○南京兵部車駕清吏司管理船政署員外郎事
主事倪凍。為特陳京軍最要疾苦。懇乞

聖恩。亟賜蘇息。以溥

德意。以召天和事。案照本部舊有右堂皂隸。及車駕
司官四員各皂隸。船政分司書手。京畿道刷卷
書手工食。及一切紙張公用等費。每年約計銀
一百七十八兩。向于提追大馬船工食支給。今
大馬船已經裁減。不可復追。先該本職查出小

甲鄧汝鶚黃表。毛鳳向未出差。而船又朽壞。遂各照舊例扣追工食銀八十五兩。湊給萬曆十四年合用之數。以免各船提追之累。而十五年以後無從措處。又經具揭呈

堂蒙批司務廳會同四司議報。經今日久未見歸著。竊思前項銀兩。所以不敢動支正項錢糧者。蓋以各官既有直廳銀。不應復用阜隸工食。故自開獎實。遂致浸淫。即法可請支者。亦以提船為便。不復呈

堂習以為常。恬不知怪。不惟官箴有碍。亦恐夫
困日增。及照司官四員。共領印一顆。關防三顆。
勅書二道。頗稱劇曹。而直廳止四名。一官一皂。何以
給使令乎。在各官。則薪俸已薄。既難使之自行
僱募。而在各役。則利竇盡塞。亦豈可使之枵腹
而趨。與其陰伏隱護。孰若明白支銷。先蒙減
革。車駕司庫子工食銀五十八兩五錢。內將三
十六兩。給報堂官工食外。尚餘二十二兩五錢。
合准給補車駕司掌印郎中員下皂隸支領。其

右堂阜隸工食。缺銀一十六兩。馬政廳阜隸工食。缺銀二十二兩五錢。及刷卷書手工食銀一十二兩。俱于車駕司集場租銀內動支。船政分司阜隸工食。缺銀二十二兩五錢。書手工食銀一十四兩四錢。及書箋紙張工價。皆于解鹽內楂柴出則冒破。餘剩半差底薪。空役等項下動支。惟草場分司。另有阜隸一班。原係上江二縣解有工食。足數支給。但因各官員額在先。而草場建立在後。設官之時。已有隨官阜役。而建司

之後未定差係何官。故舊臯向係輪流供役。今管船主事既係註選。則草場主事亦有常差矣。舊臯既無常主。而工食亦無從措處。但南都各役皆有窩銀。一家數口衣食所賴。而若一旦議革。人情必不能堪。伏乞

俯念姑留。其工食仍批定于何項下動支。以便遵守。本職未敢擅便。理合備具揭帖稟請批示。定奪施行。須至揭帖者。奉

堂批。各役工食依擬支給。其多餘舊臯六名即

於草場分司紙贖銀內動支。每名歲給六兩。其車駕司聽事。可總撥二名。作快船廠看廠人役。不必添設。前六名分與該司掌印二名。四分司各一名跟用。

○○工料分司呈革紙贖保家小票揭帖

工料係水

夫工食及修船料價。而所議書手工食及筆札等費。又係船政銀兩。故記之。

○南京兵部清理工料分司主事倪凍。為議處分司事體。以肅官常事。照得分司官員。原係欽頒勅諭。巡歷各省。故經承員役。及一切人戶。得以徑行

提問。擬罪追贖。隨行書吏。給有廩糧。頗為饒裕。以後官不出巡。吏無廩給。仍將違限員役。批城問罪。以供吏書工食。及紙張筆墨之資。因設保家六十餘人。承批員役。不遠千里。解銀赴部。而復行保候。事屬無端。京曹擬贖。亦非事體。又舊有小票。往復稽查。動經八次。而本司又係三六九換文。便須一月之期。且

部堂司驢車駕司總庫批文投銷。未必日期偶合。故有伺候至兩三月者。及查小票之法。無益

事體祇為下人恐嚇之資耳。合無將小票保家
罪贖盡行禁革。解人到京。先赴本司掛號。即赴
部堂投文。車駕司查送總庫收銀。各印給批。迴
完訖。後赴本司查銷。而本司仍每日投文。隨到
隨發。則官常既肅。而諸弊盡除矣。但書手二人
上供抄寫。近奉

本部議題。歲終將紮直弓兵各項錢糧完欠。通
行本司查覈。分別薦劾獎戒。則其事頗繁。其身
頗勞。固難使之枵腹而應役。而所用硃墨印色

造冊工食等項無從出辦。理合議處查得車駕司冒破銀兩。歲入原無定額。合無自本年七月初一日為始。書手每名給銀六錢。以供口食。仍月支銀一兩。以供硃墨印色刷印等匠之費。又恐日後仍襲往例。問罪追贖。則前銀反為多給。合著為定規。夏冬季終。本司具揭呈

堂。明開並未追有罪贖。批行車駕司查明支給。以免冒支之弊。再照解人之勞苦。固所當憫。而奸弊亦不可不防。使一切違限。俱置不問。又恐

奸巧之徒將官銀那移別用。或變貨畜利。反生
事端。亦合定例。凡直隸違限一月以上。湖廣江
西違限二月以上。即於堂批內開註。發回該省
司府自行查究。則解人無所容其奸。各役無所
行其弊情。法兩備而本部之體統自尊矣。本職
未敢擅便。理合具稟伏乞
批示施行。須至揭帖者。

○○總庫查出各役那借官銀付文

銀係快船年
列故記之。

○南京兵部車駕清吏司管理總庫主事倪為

清查未明銀兩。以杜弊端事。本職承委監庫。除將節年朦朧卷冊。及錯亂銀號。逐一清理外。又查出原委徵年例指揮王省方等銀兩未明。隨于庫子處查出封鎖銀匣一件。向未入冊交盤。不知內係何物。輕重若干。又查出庫子收貯指揮王省方等私開借銀文簿一扇。計三百九十九兩七錢一分九厘。皆係兩堂車駕司各役。及庫子人等。先後借支。尚未扣還。備查前因。蓋緣萬曆十年以前年例銀兩。皆委官徵收。各役即

從委官處支借。至萬曆十三年奉例。將萬曆十一年以前未完。盡行蠲免。原委各官。將已徵報完銀兩。貯匣封鎖。交庫子尹孫等。又將各役借數。備開文簿。并交庫子。欲候扣完之日。方并匣內銀兩。總行起解。口稱原銀共七百餘兩。相沿三年。所借並未見扣。而匣內之物。亦未清查。累年交盤。亦未入冊。切照蠲免錢糧。多為奸人之利。乃使將已報在官之數。而朦朧多年。未見歸着。甚非所以釐弊端而肅紀法也。顯係委官庫

役扶同侵隱。本宜查究。但前項銀兩。係貴司職掌。數未入庫。似與本庫無干。止因銀匣借簿。俱在庫役之手。亦恐後日乾沒。不無相關。為此合付

貴司。煩查委官王省方等。原管何年年例。其該管年分銀兩。共計若干。除蠲免若干外。在官若干。簿內借支數目。有無虛担。如果係各役所借。即于應領工食內扣還。其餘尚應存銀若干。即喚本官。眼同開匣查驗。先令具批解庫。以杜它

弊。須付。

○○咨兵部免聽守船隻差官文

○南京兵部爲特陳京軍最要疾苦懇乞

聖恩亟賜蘇息以溥

德意以召

天和事。車駕清吏司案呈。奉本部送該本司署員外郎事主事倪凍揭稱。照得本職遵奉

明旨。經理船政。雖所以蘇快船之困窮。而馬快平船。動相關係。必一一更張。而後事體停妥。今查得職掌聽守船隻一款。備開正統元年肆月內。准

兵部咨稱每年上下半年。各撥馬快船伍拾隻。赴京聽守。上半年以參月初壹日爲始。至本年捌月終。下半年以玖月初壹日爲始。至次年貳月終。各半年爲滿更替。及稱以後差官管押半年船隻。給與批文前來守取印信批廻。以便稽考。自後本部每年照例輪撥馬快船。陸續裝送各衙門起運物件。前赴通州交卸。就彼聽候半年。本部又劄委指揮千戶等官管押赴

內府南京禮兵二科填給精微批文。定限回銷。仍

給與委官勘合應付廩糧。駕船行月糧銀。照例
關支。遵行已久。及查各衙門起運物件。未有適
穀伍拾船者。原稱陸續撥發。又安能以壹官而
管押之乎。且到京遲速。事由內臣。亦非差官所
能押也。故本部上下半年。皆于各船撥盡之後。
總差壹官。領批赴北。取批迴南而已。然稽查總
在壹時。則先到而未查者。即過限。終無回日。遇
到而隨查者。即壹日。亦可徑回。况後船未到之
時。所謂伍拾隻者。亦未必滿數。委官既到之日。

所謂在後艚者。尚可以支吾。即此日船數適足。而北京用船又豈適在此日耶。且各船原領本部勘合。赴兵部投遞。而限期未滿。每蒙兵部撥發順裝內臣回南。勢亦不能聽守。以致所差官員。虛文了事。而各船小甲。亦僥倖生心。蓋起運之差。美惡原自徑庭。而聽守之船。銀米又有增給。故有既撥惡差。復令聽守。而甲夫重困者。又有虛認聽守。多給銀糧。而抵京即回者。使苦樂不均。人心無傲。既失立法之意。而復啓奸弊之

端竊以爲非策也。今後合無逐年查定羨差船壹百隻。挨次序撥。責令支領。應增銀兩。赴京聽守。業已均其苦樂。而又改刻原給勘合。分別長短貳差。使各船小甲抵京之日。即赴兵部投驗。仍以到部之日爲始。係短差者。照舊聽守壹月。長差者。照舊半年。限滿無差。許小甲赴兵部告領車駕司查照。原開填判到京及發回日期。印給本甲。以便稽考。往北船多。而回南差少。即遇順便差使。自有餘船可撥。凡聽守船隻如限期。

未滿者毋容姦甲朦朧告回。則長差既守半年。而短差又守壹月。彼來此往。循環無端。通州聽守之船。常滿伍拾之數。兵部查所留之勘合。而聽守船隻可數而計矣。各船自相投到。何庸管押。部司自能查理。何俟差官。此不待智者而後知也。又查得通州有叅將壹員。凡聽守各甲。皆壹月叁次點卯。未免擾害。亦合悉行停止。但查無兵部印信者。不容回南。則人無倖心。而緩急有備。所以剔船政無窮之弊。而體

國家深遠之思者。良非細故矣。不猶愈于驚虛名而滋實弊者乎。伏乞批行車駕司。再加酌議。如果。不謬。移咨兵部查照施行等因。稟堂奉批。車駕司查議奉此。該掌印郎中馮景隆查得馬快船隻每年運送

上供之物。至通州交卸。上下半年各留伍拾隻在彼聽候。此

祖宗立法。良有深意。不容有缺。然但當常川守候。不宜分限。上下半年。若立期分限。則前限滿者盡

回而後限者未至。反有缺守候之時矣。且差使有美惡。而守候有長短。宜爲相准事。乃得均。而舊無分別。以致姦弊叢生。况船隻陸續撥發。而事完之後。乃始差官管押到京。先後由于運官取批之說。向屬虛文久矣。今員外郎倪漣更新船政。議及於此。差美者與長差使之守候。差苦者與短差使可即回。此誠至公無弊之法。又改刻各船勘合。分別長短貳差。以抵京投部之日爲始。短差者照舊聽守壹箇月。長差者照舊陸

箇月。則通州之船。常不止于伍拾隻矣。兵部但查所留勘合。而船數可知也。事在掌握之內。何俟南部之差官哉。若通州叅將。向于聽守甲夫。每月點卯。叅次。徒爲勞擾。今後但查本船勘合內。如無兵部該司印信。發回者。不許南行。則各甲。豈能飛渡。而一切姦弊。不禁而自除矣。委合備咨兵部。轉行通州叅將衙門。并知會南京禮兵二科。查照前議施行等因。具揭稟堂。奉批准行。奉此理合案呈施行等因。到部。擬合通行。除

行南京禮兵二科外。爲此合咨

貴部。煩爲查照前議。如遇各甲管運錢糧到京
投部。將本部改給勘合。填註投到日期。計筭長
差。守候陸箇月。短差。守候壹箇月。務令滿足。方
許回南。有無順差。填註勘合。以便查驗。其給批
差官管押。一切悉行停止。庶免虛文。仍轉行通
州叅將衙門。一體查照施行。

兵部爲特陳京軍最要疾苦懇乞

聖恩亟賜蘇息以溥

德意以召

天和事。車駕清吏司案呈奉本部送准南京兵部咨
前事送司查得馬快等船長差分上下半年依
限聽遣短差到京守候壹月無差放回此舊例
也。今南京兵部更新船政議將差美者與長差
使之聽守差苦者與短差使之即回且改刻勘
合分別限期短差照舊守候壹月長差陸續撥

遣令其自到無俟差官管押既均苦樂又省虛
文委爲便易相應依擬其通州叅將點關各一
節蓋因船泊水次本部不便稽查故以約束委
之本官令彼禁絕回私弊夫責有所統衆乃
不譁事有所稽序乃不亂此

國家立法深意難以輕議停革但壹月叁次委屬
煩擾今准前因合行令本官每月止於朔日點
驗壹次不許仍前擾害庶事簡法行經久無弊
呈乞施行案呈到部擬合就行爲此除劄行通

州叅將責令每月朔日點郊壹次。如船甲有私
逃等情。本官或因而擾害。俱聽本部查究外。其
餘悉照原議。合回咨。

貴部煩爲查照施行。須至咨者。

按通州叅將船郊。以每月叁次減至壹次。誠
爲簡便。願所以不盡停免者。則以禁絕私逃
耳。然凡小甲棄船逃回者。皆快船也。快船各
甲通管。本差既完。則船爲下甲之物。而一切
使費。又各家幫貼。故以接船爲名。逃回告擾。

即壹月拾點尚有貳拾日可逃即壹日壹點
尚有點過之時可逃豈以煩簡爲辨哉今悉
照馬船僱募則夫甲以船爲本業况空閒之
年銀米一體支給則各役正思船回以支壹
年銀米寧肯棄船而失終身之利哉又每船
壹年銀米約計共貳百餘金即本船棄毀而
扣此亦足相當第北部未之知耳以此知文
移之不足以盡意也。